


Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1.	Անունը, ազգանունը. Արմեն Ղազարյան
2.	Զբաղեցրած պաշտոնը. ՀՀ ՏԿՁՆ միգրացիոն ծառայության պետ
3.	Գործուղման վայրը և ժամկետները. 2018թ. նոյեմբերի 1-3, ք. Բիշքեկ, Ղրղզստանի Հանրապետություն
4.	Հրավիրող կողմը. ԱՊՀ Գործադիր կոմիտե
5.	Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը): Մասնակցությունը ԱՊՀ մասնակից պետությունների միգրացիոն մարմինների ղեկավարների խորհրդի 23-րդ նիստին
6.	Քննարկված թեմաները. Խորհրդի անդամները ներկայացրել են իրենց երկրներում միգրացիոն իրավիճակը, ինչպես նաև ԱՊՀ մասնակից պետությունների միջև միգրացիայի ոլորտում երկկողմ համագործակցության ներկա իրավիճակը: Մասնավորապես, անդրադարձ է եղել երկկողմ ռեադմիսիոն համաձայնագրերի ստորագրմանը: Այս առնչությամբ նշել են, որ ՀՀ-ի և Մոլդովայի, Ղրղզստանի և Ղազախստանի միջև ռեադմիսիոն համաձայնագրերը գտնվում են բանակցման և ներպետական համաձայնեցումների փուլում: ԱՊՀ տարածքում փաստաթղթերի կեղծման և անօրինական միգրացիայի կանխարգելման թեմաների առնչությամբ ներկայացրել են ՀՀ ոստիկանության գործընկերների նախապես տրամադրած տեղեկատվությունը: Օրակարգում ներառվել էր նաև ԱՊՀ մասնակից պետությունների անվավեր անձնագրերի ընդհանուր բանկի ստեղծման հարցը, և քանի որ տվյալ հարցի մասին Գործադիր կոմիտեն նախապես չէր տեղեկացրել, և ՀՀ համապատասխան մարմինների (Ոստիկանության ԱՎՎ) դիրքորոշումը հայտնի չէր, այս հարցի վերաբերյալ արձանագրային որոշումը չեն ստորագրել: Նիստի Ադրբեջանի ներկայացուցիչը ներկայացրեց հասարակական կազմակերպությունների հետ համագործակցության իրենց փորձը, որը, ըստ էության, խնդրահարույց չէր, ուստի ի գիտություն ընդունելու մասին արձանագրային որոշումը ստորագրել են, սակայն տեսնելով, որ ապաստանի համակարգի մասին իմ ներկայացրած զեկույցը Ադրբեջանի ներկայացուցիչը չի ստորագրել, իր զեկույցի առնչությամբ իմ ստորագրությունը ջնջել ու հետ են կանչել: Այս առնչությամբ գրուցել են խորհրդի քարտուղար, ՌԴ ՆԳՆ միգրացիայի հարցերով գլխավոր վարչության պետ Օլգա Կիրիլովայի հետ, ով նշեց, որ գնահատում է իմ կողմից կատարված առաջին

	<p>քայլը, սակայն իրենց համար հասկանալի է նաև ստորագրությունը ջնջելու քայլը: Իմ կողմից ներկայացված «Հայաստանի Հանրապետությունում ապաստանի տրամադրման համակարգի մասին» զեկույցը ներկայացնում եմ կից՝ ռուսերեն լեզվով:</p>
7.	<p>Հանդիպումները, ելույթները, բարձրացված կամ քննարկված հարցերը. Հանդիպումներ և շփումներ եմ ունեցել ԱՊՀ մասնակից պետությունների գործընկերների հետ, ինչպես նաև ՌԴ ՆԳ նախարարի առաջին տեղակալ Ալեքսանդր Գորոլոյի հետ: Նիստի նախորդ օրը ներկա եմ գտնվել նաև ԱՊՀ մասնակից պետությունների անօրինական միգրացիայի դեմ պայքարի համատեղ հանձնաժողովի նիստին, որին սովորաբար մասնակցում է ՀՀ ոստիկանության ներկայացուցիչը, սակայն քանի որ ոստիկանությունից ներկայացուցիչ չկար, երկրի ներկայացվածության ապահովման համար ներկա եմ գտնվել նիստին:</p> <p>Հաջորդ օրը ԱՊՀ միգրացիոն մարմինների ղեկավարների նիստի ընթացքում հանդես եմ եկել «Հայաստանի Հանրապետությունում ապաստանի տրամադրման համակարգի մասին» զեկույցով, որը կցվում է: Ռուսաստանի գործընկերների հետ շփումների ընթացքում բարձրացրել եմ ՌԴ-ում մուտքի արգելք ունեցող ՀՀ քաղաքացիների համաներման հնարավորության հարցը այն դեպքերում, երբ քաղաքացիների կողմից կատարված իրավախախտումները խիստ չեն: Քննարկել ենք նաև տարբեր իրավախախտումների պարագայում տարբեր վարչական տույժեր կիրառելու հնարավորությունը՝ վարչական վտարումից խուսափելու նպատակով:</p> <p>Օ.Կիրիլովան նշեց, որ ՌԴ նախագահը ստորագրել է Մինչև 2025թ. ՌԴ միգրացիոն քաղաքականության հայեցակարգի նոր խմբագրությունը, որի Գործողությունների ծրագիրը պետք է մշակվի առաջիկայում: Այս առնչությամբ պայմանավորվեցինք, որ մեր ծառայությունը ևս կարող է ներկայացնել որոշակի առաջարկություններ առաջիկա ամսվա ընթացքում:</p>
8.	<p>Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը. Ստորագրել եմ խորհրդի նիստի արձանագրային որոշումները, բացառությամբ 5-րդ կետի՝ ԱՊՀ մասնակից պետությունների անվավեր անձնագրերի միասնական բանկի ստեղծման վերաբերյալ: 8-րդ կետի՝ Ադրբեջանի ներկայացուցչի զեկույցման վերաբերյալ խնդիրը ներկայացրել եմ վերևում:</p> <p>Առաջարկ է հնչել խորհրդի հաջորդ նիստը անցկացնել Երևանում, սակայն գործընկերներին խնդրել եմ հետաձգել Երևանում անցկացման հնարավորությունը, քանի որ մեծ կազմակերպչական աշխատանք պետք է նախորդի դրան: Առաջարկն ընդունվել է, և խորհրդի հաջորդ նիստը կանցկացվի Ուզբեկստանում:</p>
9.	<p>Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.</p>

	<p>Կարծում եմ, որ առնվազն 2020թ-ին խորհրդի նիստը Երևանում անցկացնելու հնարավորությունը պետք է դիտարկել, քանի որ վերջին անգամ Հայաստանն այդ նիստը հյուրընկալել է 2014թ-ին, և յուրաքանչյուր անգամ հրաժարվելը դառնում է ավելի բարդ: Այս առնչությամբ անհրաժեշտ է կատարել մեծ կազմակերպչական աշխատանք, որում պետք է ներգրավվեն ՀՀ ՏԿԶՆ Միգրացիոն ծառայությունը, ՀՀ արտաքին գործերի նախարարությունը, ՀՀ ոստիկանությունը: Առաջարկում եմ քննարկումներն այս առնչությամբ սկսել առնվազն 2019թ-ի մարտից:</p>
10.	<p>Ստորագրությունը, ամսաթիվը:  06.10.2018</p>